



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Odluka
o dopuni Kalendara obilježavanja datuma i događaja značajnih za Grad Sarajevo
(Prijedlog)

Predlagač: Gradonačelnica
Obradivač: Gradska služba za opću
upravu i zajedničke poslove

Sarajevo, oktobar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), a u vezi sa članom 1. Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo“, br. 10/14, 26/18 i 31/20), Gradsko vijeće Grada Sarajeva na sjednici od __.__. 2021. godine, donijelo je

(Prijedlog)

**Odluku
o dopuni Kalendara obilježavanja datuma i događaja značajnih za Grad Sarajevo**

Član 1.

Ovom Odlukom utvrđuju se dopuna Kalendara obilježavanja datuma i događaja značajnih za Grad Sarajevo (u daljnjem tekstu: Kalendar), koji je sastavni dio Odluke o obilježavanju datuma, događaja i ličnosti od značaja za Grad Sarajevo („Službene novine Kantona Sarajevo“, br. 10/14, 26/18 i 31/20).

Član 2.

Dopuna Kalendara se vršina taj način da se Kalendar dopunjava novom tačkom 13a „Dan sjećanja na stradale na stratištu Kazani“.

Član 3.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, _____ 2021. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva kojim je propisano da Gradsko vijeće donosi odluke, druge propise i opće akte, a u vezi sa članom 1. Odluke o obilježavanju datuma, događaja i ličnosti od značaja za Grad Sarajevo kojim je, između ostalog, propisano da je Kalendar obilježavanja datuma i događaja značajnih za Grad Sarajevo sastavni dio ove odluke.

RAZLOZI DONOŠENJA

Ovom Odlukom vrši se dopuna Kalendara obilježavanja datuma i događaja značajnih za Grad Sarajevo na taj način da se u Kalendar uvrštava i „Dan sjećanja na stradale na stratištu Kazani“ koji bi se obilježavao 09.11.

Naime, dosadašnja praksa obilježavanja ovog stratišta vezala se za datum 26.10.1993. godine kada je po naredbi predsjednika Predsjedništva Republike BiH Alije Izetbegovića pokrenuta akcija „Trebević“, označena kao najveća vojno-policajska akcija kojoj je cilj bio uspostava reda i vraćanje odmetnutih vojnih grupa u sistem.

U pokušaju da uhapsu odmetnutog komandanta 10. brdske brigade Mušana Topalovića Cacu, devet mladih policajaca izgubilo je živote te je ovaj dan simbolično vezan za gubitak života čestitih ljudi u nastojanju da se sankcionišu upravo oni koji su činili ubistva nedužnih sugrađanki i sugrađana.

Predlaže se da se za datum obilježavanja ovog događaja odredi datum početka ekshumacije posmrtnih ostataka, odnosno datum kada je na mjesto izvršenja ubistava izašao istražni sudija nadležnog suda.

Razmatranje Prijedloga Odluke predlaže se u skladu sa članom 127. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), iz razloga što za regulisanje ovog pitanja postoji neodložna potreba cijeneći činjenicu aktuelnosti teme koja je predmetom ove Odluke, kao i iz razloga što je veoma kratak period do obilježavanja predloženog datuma obilježavanja ovog događaja. Štetne posljedice za društvene interese, a koje predviđa citirani član Poslovnika, su indirektnog karaktera i mogu se obrazložiti kroz potrebu da se paralelno odlučuje o podizanju spomenika i obilježavanju datuma, a što se obzirom na predmet odlučivanja može podvesti pod društveni interes prisutan u momentu u kojem se o predloženom aktu odlučuje.

FINANSIJSKA SREDSTVA

Finansijska sredstva za realizaciju ove odluke obezbjeđuju se u Budžetu Grada Sarajeva